



**UNIT KOMUNIKASI KORPORAT JABATAN  
PERIKANAN MALAYSIA  
BERITA PERIKANAN HARI INI**

**12 Ogos 2024  
07 Safar 1446H**

SENARAI AKHBAR	TAJUK
Utusan Malaysia	<ul style="list-style-type: none"><li>• Kupang: Nelayan Pasir Panjang Tarik nafas lega</li><li>• Bantu promosikan semula kupang Port Dickson</li><li>• Estet Ikan jadi lokasi tumpuan pesta mengoca</li></ul>
Berita Harian	<ul style="list-style-type: none"><li>• Banci pertanian penting untuk bergerak ke peringkat baharu</li></ul>
Harian Metro	<ul style="list-style-type: none"><li>• Sejam kejar bot ceroboh perairan negara</li><li>• Selamat untuk dimakan</li><li>• Berpotensi jadi ikon lapangan</li></ul>
Kosmo !	<ul style="list-style-type: none"><li>• MSU perkasa komuniti pelihara terumbu karang</li></ul>
Sinar Harian	<ul style="list-style-type: none"><li>• MSU bantu pemuliharaan ekosistem marin</li></ul>
The Star	<ul style="list-style-type: none"><li>•</li></ul>
New Straits Time	<ul style="list-style-type: none"><li>•</li></ul>
Nanyang Siang Pau	<ul style="list-style-type: none"><li>•</li></ul>
Malaysia Gazette	<ul style="list-style-type: none"><li>•</li></ul>
The Sun	<ul style="list-style-type: none"><li>•</li></ul>
Malaysiakini	<ul style="list-style-type: none"><li>•</li></ul>
Bernama	<ul style="list-style-type: none"><li>•</li></ul>
Borneo Post (KK)	<ul style="list-style-type: none"><li>•</li></ul>
Guan Ming Daily	<ul style="list-style-type: none"><li>•</li></ul>
Sabah Media	<ul style="list-style-type: none"><li>•</li></ul>

UTUSAN MALAYSIA	KOSMO!	THE STAR	NANYANG SIANG PAU	MUKA SURAT	TARIKH
BERITA HARIAN	SINAR HARIAN	THE SUN	ORIENTAL DAILY		
HARIAN METRO	NEW STRAITS TIMES	THE MALAY MAIL	PELBAGAI		
KATEGORI LIPUTAN: POSITIF		NEGATIF	NEUTRAL	6	12-8-24

# Kupang: Nelayan Pasir Panjang tarik nafas lega

Oleh **BADRUL HAFIZAN MAT ISA**  
badrulisa@mediamail.com.my

**PORT DICKSON:** Keputusan Jabatan Perikanan menarik balik larangan terhadap pengeluaran hasil kerang-kerangan khususnya kupang di perairan Port Dickson memberikan kelegaan kepada golongan nelayan di kawasan Pasir Panjang di sini.

Menurut mereka, kebenaran tersebut sudah tentu menambah semula pendapatan nelayan yang turut bergantung kepada hasil kupang dan kerang selain hasil laut lain seperti ikan.

Seorang nelayan yang juga penternak kupang di Kampung Balak, Mahadir Haris, 42, berkata, sejak larangan dikuatkuasakan pada April lalu, dia terpaksa menanggung kerugian kerana kupang yang diternak tidak dapat dituai hasilnya.

"Sudah tentu keputusan menarik balik larangan ini mengembirakan kerana situasi kembali kepada asal semula. Sejak April lalu memang kami tidak dapat meraih hasil sedangkan permintaan sentiasa ada sehinggalah ada kupang yang diternak turut mati."

"Mujiir keputusan menarik balik larangan ini sudah dibuat, jika masih ditunggu lagi kupang yang diternak dengan keadaan pangkar akan mati malah saiznya juga sudah besar," katanya ketika ditemui *Utusan Malaysia* di Kampung Balak, Pasir Panjang di sini.

Kelmarin Timbalan Menteri



**MAHADIR Haris menuai hasil kupang yang diternaknya ketika ditemui di Kampung Balak, Pasir Panjang, Port Dickson, semalam. - UTUSAN/MOHD. SHAHJEHAN MAAMIN**

Pertanian dan Keterjaminan Makanan, Datuk Arthur Joseph Kurup memaklumkan, larangan ke atas penuaian dan penjualan kerang-kerangan termasuk kupang di perairan Negeri Sembilan dan Melaka yang sebelum ini dikuatkuasakan oleh Jabatan Perikanan telah ditarik balik.

Menurut beliau, keputusan itu dibuat berikutan bacaan biotoksin bagi sampel ke-15 telah menunjukkan penurunan ke paras selamat iaitu di bawah 400 per bilion (ppb).

Sementara itu, Mahadir berka-

ta, setelah maklumat mengenai keputusan tersebut diketahui, beberapa orang pelanggan telah mula menghubunginya bagi mendapatkan bekalan kupang.

Bagaimanapun, para nelayan belum boleh mengeluarkan hasil kerana keadaan rebut yang berlaku sejak beberapa hari kebelakangan ini selain keadaan air laut yang tidak baik.

Sementara itu, Pengerusi Persatuan Nelayan Kawasan (PNK) Telok Kemang, Md Isa Johar berkata, keputusan menarik balik larangan tersebut sesuatu

yang sangat dinantikan oleh nelayan.

"Selain daripada hasil ikan, hasil laut seperti kerang dan kupang memang menjadi sumber pendapatan nelayan. Akhirnya selepas hampir empat bulan, larangan ini ditarik balik."

"Selepas ini saya berharap nelayan sekiranya mereka mengenali pasti dan melihat sesuatu yang pelik terhadap hasil laut mereka itu, segeralah dimaklumkan dan jangan disembunyikan agar tindakan awal dapat diambil," katanya lagi.

## Bantu promosikan semula kupang Port Dickson

**PORT DICKSON:** Kerajaan menersi agensi berkaitan perlu mempromosikan semula kerang-kerangan khususnya kupang di daerah ini yang terjejas susulan kejadian keracunan selepas pengambilan hasil laut itu pada bulan April lalu.

Nelayan yang juga penternak kupang di Kampung Telok, Pasir Panjang di sini, Mohd. Hairil Mohd. Rashid, 32, berkata, dia lega apabila Jabatan Perikanan telah menarik balik larangan terhadap pengeluaran hasil kerang-kerangan khususnya kupang di perairan Port Dickson susulan kejadian keracunan itu.

"Bagaimanapun saya harap agensi berkaitan dapat menguar-uarakan semula bahawa kupang dan kerang di sini sudah selamat dimakan, ia perlu dipromosikan

semula kerana orang ramai masih khuatir untuk membeli kupang dari sini.

"Sebaik sahaja keputusan menarik balik larangan pengeluaran kupang diterima semalam, saya terus memberitahu kepada pelanggan namun respon diterima masih kurang membebangsangkan, mereka masih ragu-ragu, inilah impak yang kami terima," katanya kepada *Utusan Malaysia* di sini.

Pada 4 April lalu, Jabatan Perikanan Malaysia mengesahkan kupang di Port Dickson telah dicemari oleh biotoksin berbahaya (dan tidak selamat dimakan selepas analisis yang dijalankan mendapati terdapat tiga alga berbahaya iaitu spesies *Prorocentrum*, *Alexandrium* dan *Pseudo-*

*donitzschia*.

labatan tersebut justeru menyarankan kupang dan kerang-kerangan lain di perairan Port Dickson tidak selamat dimakan mengambil tindakan penguatkuasaan tidak membenarkan kerang-kerangan di Port Dickson dikeluarkan dan dijual di pasaran awam.

Analisis tersebut dibuat selepas terdapat lapan kes keracunan makanan berkaitan pengambilan kupang termasuk dua kes kritikal berlaku di Port Dickson.

Bagaimanapun, kelmarin, larangan ke atas penuaian dan penjualan kerang-kerangan termasuk kupang di perairan Negeri Sembilan termasuk Melaka yang sebelum ini dikuatkuasakan telah ditarik balik berikutan bacaan

biotoksin bagi sampel ke-15 telah menunjukkan penurunan ke paras selamat iaitu di bawah 400 per bilion (ppb).

Seorang lagi nelayan dari Kampung Balak, Pasir Panjang di sini, Dewana Haris, 39, juga berpandangan yang sama dan berharap hebahian terus dapat dilakukan pihak berwajib supaya orang ramai tahu kupang dan kerang di Pasir Panjang sudah selamat dimakan.

"Kami telah menanggung banyak kerugian sepanjang empat bulan larangan pengeluaran hasil kerang-kerangan di sini."

"Ketika ini orang ramai masih takut untuk makan kupang dari Port Dickson, jadi saya harap kerajaan dapat bantu mempromosikannya semula," katanya.



UTUSAN MALAYSIA	/	KOSMO!		THE STAR		NANYANG SIANG PAU	MUKA SURAT	TARIKH
BERITA HARIAN		SINAR HARIAN		THE SUN		ORIENTAL DAILY		
HARIAN METRO		NEW STRAITS TIMES		THE MALAY MAIL		PELBAGAI		
KATEGORI LIPUTAN: POSITIF		/	NEGATIF		NEUTRAL		36	12-8-2024

## Estet Ikan jadi lokasi tumpuan pesta mengoca

**TAMPIN:** Kolam terbiar dalam kawasan tanah adat di Kampung Sungai Jerneh, Gemencheh di sini menjadi tumpuan ramai apabila menjadi lokasi acara mengoca atau menangkap ikan menggunakan tangan sejak dua tahun lalu.

Ahli Dewan Undangan Negeri (ADUN) Gemencheh, Suhaimizan Bizar berkata, kolam terbiar itu dibangunkan semula dengan temakan ikan air tawar selain menjadi lokasi riadah.

"Melihat kepada sambutan positif orang ramai, pesta mengoca diadakan bermula 2022 dan penganjuran tahun ini diserikan dengan acara melepaskan 15 ekor itik ke dalam kolam yang dikeringkan.

"Program ini adalah untuk

membudayakan aktiviti mengoca bagi masyarakat kampung di samping mengeratkan silaturahmi antara peserta. Sasaran kita pada masa hadapan agar ia dijalankan lebih meriah dengan pelbagai aktiviti sampingan," katanya di sini, baru-baru ini.

Program Pesta Mengoca myKP Sungai Jerneh itu dirasmikan Timbalan Menteri Pertanian dan Keterjaminan Makanan, Datuk Arthur Joseph Kurup.

Sementara itu, seorang peserta, Zulkarnain Md. Zin, 38, dari Jemapoh, Kuala Pilah, berkata, dia tidak pernah mengikuti mana-mana aktiviti mengoca dan mengakui teruja untuk menyertai program tersebut buat kali pertama.

Menurutnya, walaupun tidak

menawarkan sebarang hadiah, dia seronok kerana dapat berkumpul dengan ramai peserta dari pelbagai latar belakang, sekali gus menghidupkan semula aktiviti masyarakat seperti mengoca.

"Memang seronok kerana ikan yang ditangkap seperti tilapia ini boleh dibawa pulang, saya harap program seumpama ini dapat diteruskan pada setiap tahun," katanya.

Sementara itu, Arthur berkata, Estet Ikan yang dikendalikan oleh myKP Sungai Jerneh adalah satu daripada inisiatif Jabatan Perikanan bagi meningkatkan kadar pengeluaran ikan air tawar, terutama di kawasan tanah terbiar yang berpotensi untuk dimajukan.



KIRA-KIRA 300 orang menyertai Program Pesta Mengoca myKP Sungai Jerneh di Kampung Sungai Jerneh, Gemencheh, Tampin, Negeri Sembilan. - UTUSAN/NOR AINNA HAMZAH

UTUSAN MALAYSIA		KOSMO!		THE STAR		NANYANG SIANG PAU		MUKA SURAT	TARIKH
BERITA HARIAN		SINAR HARIAN		THE SUN		ORIENTAL DAILY			
HARIAN METRO	/	NEW STRAITS TIMES		THE MALAY MAIL		PELBAGAI			
KATEGORI LIPUTAN: POSITIF			NEGATIF	/	NEUTRAL			35	12-8-24

## Sejam kejar bot ceroboh perairan negara

**George Town:** Agensi Penguatkuasaan Maritim Malaysia (APMM) menahan sebuah bot nelayan dikenali lima kru warga Indonesia kerana disyaki menceroboh perairan negara, kelmarin.

Pengarah APMM Pulau Pinang, Kepten Maritim Razali Kasim berkata, penahanan dilakukan ketika aset KM Burau melaksanakan operasi di sekitar 55

batu nautika Barat Daya Pulau Kendi pada 11.45 pagi.

Katanya, pasukan berkegiatan mengesan bot terbabit yang berada di perairan Malaysia dalam keadaan mencurigakan.

"Kapal APMM menghampiri bot terbabit dan me-

ngarahkan mereka supaya berhenti bagi dilakukan pemeriksaan lanjut.

"Namun, ia enggan berbuat demikian dan mereka dikejar hampir satu jam sebelum berjaya ditahan

untuk pemeriksaan," katanya dalam satu kenyataan.

Menurut Razali, hasil peme-

riksaan mendapati bot terbabit tidak mempunyai nombor pendaftaran dan anggaran sebanyak 150 kilogram hasil tangkapan ikan turut dirampas.

"Kesemua kru berusia 25 hingga 40 tahun itu juga gagal mempamerkan dokumen pengenalan diri yang sah. Kes disiasat mengikut Akta Imigresen 1959/63 dan Akta Perikanan 1986," katanya.

**Sebanyak  
150 kilogram  
hasil tangkapan ikan  
dirampas**



UTUSAN MALAYSIA		KOSMO!		THE STAR		NANYANG SIANG PAU		MUKA SURAT	TARIKH
BERITA HARIAN		SINAR HARIAN	/	THE SUN		ORIENTAL DAILY			
HARIAN METRO		NEW STRAITS TIMES		THE MALAY MAIL		PELBAGAI			
KATEGORI LIPUTAN:	POSITIF	/	NEGATIF		NEUTRAL			22	12.8.24

# MSU bantu pemuliharaan ekosistem marin

Projek MyCoral Community Diver bantu komuniti setempat di Setiu

**M**anagement and Science University (MSU) melalui International Medical School (IMS) telah mengorak langkah signifikan ke arah membantu pemuliharaan ekosistem marin dan perancangan komuniti melalui pelancaran projek MyCoral Community Diver.

Inisiatif itu diadakan di Nelayan Resort dan Taman Laut Pulau Redang bermula Mac hingga Mei lalu.

Ia merupakan sebahagian Projek MyCoral Eco Marine bertujuan memelihara terumbu karang dan menyokong komuniti tempatan khususnya para nelayan di Setiu, Terengganu.

Menurut MSU, projek MyCoral Community Diver itu mendapat sokongan dalam bentuk geran bernilai RM40,000 oleh APPGM-SDG Income Generation.



Projek MyCoral Community Diver bertujuan untuk memelihara terumbu karang dan menyokong komuniti tempatan.

"Bermatlamat untuk memperkasakan komuniti tempatan terpilih yang terdiri daripada nelayan, bot, pelajar dan keluarga mereka sebagai penyelam skuba bertauliah dan pakar pemulihan karang.

"Projek ini bertujuan untuk mendidik, menjana pendapatan dan menggalakkan penglibatan masyarakat dalam pemuliharaan terumbu karang," katanya dalam satu kenyataan pada Jumaat.

Menerusi projek itu, para peserta telah menjalani program latihan 12 modul komprehensif yang meliputi teknik selam skuba, kaedah pemuliharaan karang, pemasaran digital dan celik kewangan.

"Melalui lesen selam skuba dan menguasai teknik pemulihan karang, para peserta bakal menjana pendapatan melalui pakej pelancongan ekopelancongan dan pemuliharaan terumbu karang, memupuk kelestarian ekonomi dalam kalangan komuniti setempat," ujarnya.

Projek MyCoral Community Diver ini turut melibatkan kerjasama pintar MSU dengan Jabatan Perikanan Malaysia, Dorken Reef Resources, RAH Venture dan Persatuan Nelayan Setiu memastikan pendekatan holistik terhadap pemuliharaan terumbu karang khususnya.

"Ia juga memastikan kelestarian ekosistem marin secara amnya dan pembangunan holistik komuniti setempat," jelasnya.

Hadir merasmikan projek tersebut ialah Timbalan Ketua Pengarah Perikanan (Pengurusan) Jabatan Perikanan Malaysia, Wan Muhammad Aznan Abdullah; Pengarah Perikanan Negeri Terengganu, Ruzaidi Mamat dan Penolong Pengarah Jabatan Pembangunan Pelajar dan Kerjaya MSU, Adnan Rosley.

MSU melalui IMS, menganjurkan projek MyCoral Eco Marine bagi meningkatkan kesedaran dalam kalangan masyarakat tentang kepentingan terumbu tiruan.

Sebagai program pemindahan pengetahuan, ia bertujuan memperkasa ekosistem marin serta membantu komuniti nelayan Pulau Redang.

Projek itu bakal memasuki edisi 7.0 pada tahun ini sejak bermula pada 2016.

Strategi pelaksanaan secara menyeluruh MSU dalam pemuliharaan terumbu karang ini secara tidak langsung menyumbang kepada peningkatan populasi khas di Malaysia, amnya di dunia serta menyokong Matlamat Pembangunan Lestari Pertubuhan Bangsa-Bangsa Bersatu (UNSDG).

UTUSAN MALAYSIA		KOSMO!	/	THE STAR		NANYANG SIANG PAU	MUKA SURAT	TARIKH
BERITA HARIAN		SINAR HARIAN		THE SUN		ORIENTAL DAILY		
HARIAN METRO		NEW STRAITS TIMES		THE MALAY MAIL		PELBAGAI		
KATEGORI LIPUTAN: POSITIF		/	NEGATIF		NEUTRAL		30	12-8-24



**D**ALAM usaha memuliharaan ekosistem marin dan pemeraksanaan komuniti, Management and Science University (MSU) melalui International Medical School (IMS) telah mengorak langkah signifikan menerusi pelancaran projek MyCoral Community Diver (MCCD) baru-baru ini.

Inisiatif yang merupakan sebahagian daripada aktiviti MyCoral Eco Marine Project itu telah berlangsung di Nelayan Resort dan Taman Laut Pulau Redang, Terengganu.

Tujuan utama MCCD adalah untuk memelihara terumbu karang dan menyokong komuniti tempatan khususnya para nelayan di Setiu.

Menurut Timbalan Dekan (Hal Ehwal Pelajar) IMS di MSU, Mohd. Hairulnizam Ibrahim, projek MCCD telah mendapat sokongan dalam bentuk geran bernilai RM40,000 daripada APPGM-SDG Income Generation.

"Ia bermatlamat untuk memperkasakan komuniti tempatan terpilih yang terdiri daripada nelayan dan keluarga, pelajar, pengusaha bot, penyelam skuba bertauliah serta pakar pemuliharaan karang.

"Projek ini juga bertujuan untuk mendidik, menjana pendapatan dan menggalakkan penglibatan masyarakat dalam pemuliharaan terumbu karang."



**SEBAHAGIAN** peserta yang terlibat menjayakan program MCCD.

ujarnya.

Para peserta telah menjalani program latihan 12 modul komprehensif yang meliputi teknik selam skuba, kaedah pemuliharaan karang, pemasaran digital dan celik kewangan.

Melalui lesen selam skuba dan menguasai teknik pemuliharaan karang, para peserta bakal menjana pendapatan melalui pakej ekopelancongan dan pemuliharaan terumbu karang.

Ini sekali gus dapat memupuk kelestarian ekonomi dalam kalangan komuniti setempat.

Projek MyCoral Community Diver



**PARA** peserta berpeluang melihat dengan lebih dekat terumbu karang.

turut melibatkan kerjasama pintar MSU dengan Jabatan Perikanan Malaysia, Dorken Reef Resources, RAH Venture, dan Persatuan Nelayan Kawasan Setiu.

Usaha ini bagi memastikan pendekatan holistik terhadap pemeliharaan terumbu karang dan kelestarian ekosistem marin serta pembangunan holistik komuniti setempat.

MyCoral Eco Marine Project merupakan aktiviti bermatlamat untuk meningkatkan kesedaran dalam kalangan masyarakat tentang kepentingan terumbu tiuan.

Ujar Mohd. Hairulnizam, sebagai program pemindahan pengetahuan, ia bertujuan untuk memperkasakan ekosistem marin serta membantu komuniti nelayan Pulau Redang.

"MyCoral Eco Marine Project bakal memasuki edisi 7.0 pada tahun ini, sejak ia bermula pada 2016.

"Ia melibatkan strategi pelaksanaan secara menyeluruh MSU dalam pemuliharaan terumbu karang.

"Ini secara tidak langsung dapat menyumbang kepada peningkatan populasi terumbu karang khususnya di Malaysia.

"Pada masa sama, program ini menyokong Matlamat Pembangunan Lestari Pertubuhan Bangsa-Bangsa Bersatu (UNSDG) 14 dan 17.



UTUSAN MALAYSIA		KOSMO!		THE STAR		NANYANG SIANG PAU	MUKA SURAT	TARIKH
BERITA HARIAN		SINAR HARIAN		THE SUN		ORIENTAL DAILY		
HARIAN METRO	/	NEW STRAITS TIMES		THE MALAY MAIL		PELBAGAI		
KATEGORI LIPUTAN: POSITIF		/	NEGATIF		NEUTRAL		19	12-8-2024



HASIL tuai kupang di kawasan penternakan di Sungai Sekawang, Port Dickson.

## Selamat untuk dimakan



PENGUSAHA kupang, Mohd Taib Jantan menunjukkan hasil tuai kupang yang selamat untuk makan dan dijual kepada orang ramai di kawasan penternakan di Sungai Sekawang, Port Dickson.



MOHD Radhi Bahari (kiri) bersama rakannya Nurzul Hakim Ab Rahman membawa hasil tuai kupang di kawasan penternakan di Sungai Sekawang.



PENGUSAHA kupang, Mohd Radhi Bahari mula memuai hasil kupang miliknya di kawasan penternakan di Sungai Sekawang, Port Dickson semalam. Jabatan Perikanan Malaysia menarik balik barangan pemualan dan penjualan kerang-kerang termasuk kupang di perairan Port Dickson dan Melaka berikutan penemuan tahap biotoksin ke paras selamat. Timbalan Menteri Pertanian dan Keterjaminan Makanan Datuk Arthur Joseph Kurup berkata, hasil pemantauan dan analisis makmal, bacaan biotoksin menunjukkan penurunan di bawah 400 per bilion (ppb) bagi sampel ke-15.



UTUSAN MALAYSIA	KOSMO!	THE STAR	NANYANG SIANG PAU	MUKA SURAT	TARIKH
BERITA HARIAN	SINAR HARIAN	THE SUN	ORIENTAL DAILY		
HARIAN METRO	NEW STRAITS TIMES	THE MALAY MAIL	PELBAGAI		
KATEGORI LIPUTAN:	POSITIF	NEGATIF	NEUTRAL	11	12-8-24

# Berpotensi jadi ikon lapangan

DOSM jalankan bancia merangkumi tanaman, ternakan, perikanan, perhutanan dan pembalakan

Oleh Mary Victoria Dass  
am@hmetro.com.my

## Pasir Gudang

Bancia Pertanian 2024 oleh Jabatan Perangkaan Malaysia (DOSM) di Johor mendapati ramai penggiat bidang pertanian di negeri ini berpotensi menjadi ikon dalam lapangan dibeberui.

Ketua Perangkawan Malaysia, Datuk Seri Dr Mohd Uzir Mahidin berkata, proses bancia berjalan lancar dengan 35.3 peratus bancia selesai dilakukan di seluruh negara.

Beliau berkata, pihaknya memasuki hari ke 34 bagi melakukan bancia yang dimulakan sejak 7 Julai lalu merangkumi tanaman, ternakan, perikanan, perhutanan dan pembalakan. Menurutny, secara keseluruhan bancia dijalankan setakat ini membabitkan 423,195 pengusaha dalam sektor pertanian di seluruh negara.

Katanya, misalnya di Johor, tempat kedudukan (TK) dan pertumbuhan perniagaan terbahit dalam sektor pertanian yang dilawati bagi tujuan bancia adalah sebanyak 36.6 peratus.

"Segelintir dalam kalangan yang kita temui ketika melakukan bancia merupakan pekerja dalam sektor pertanian dan bukan yang mengusahakan perusahan berkenaan.

"Paling penting adalah kita mahu mengumpul dan mendapatkan maklumat serta data yang diperlukan oleh negara daripada pengusaha sendiri termasuk berkaitan hasil, keluasan dan kaedah tanaman.

"Kerajaan memerlukan maklumat berapa peratus penggunaan teknologi dalam sektor pertanian negara," katanya di sidang media ketika menjalankan bancia di Kampung Pasir Gudang Baru di sini, baru-baru ini.

Pihaknya turut melakukan proses bancia di Muar ke Tangkak, Batu Pahat, Ulu Tiram, Masai dan Kulai.

Beliau berkata, pihaknya juga ingin mengumpul maklumat latar belakang pengusaha bagi mengenali pasti sejauh mana sektor pertanian bergerak maju.

Menurutny, ia juga bagi mengenal pasti pembabitkan pengusaha berpendidikan dan ilmu diadaptasikan dalam teknologi penghasilan pertanian.

Katanya, perkara berkenaan sentiasa dititik beratkan bahawa maklumat diperlukan adalah maklumat realiti dalam lapangan.

"Justeru, saya memimpin pasukan bancia turun padang bagi memastikan dapatan atau penemuan menjadi input penting.

"Dalam kesempatan ini, kita juga berjumpa komuniti dan menemukan pengusaha boleh dijadikan ikon.

"Di Johor ramai dilihat berpotensi menjadi ikon dalam sektor pertanian malah menurut laporan Keluaran Dalam Negara Kasar (KDNK), sektor Pertanian di negeri Johor menyumbang 11.6 peratus kepada KDNK negeri, dengan nilai tambah sebanyak RM17.21 bilion," katanya.

Beliau berkata, misalnya, terdapat sebuah perusahaan di Johor sebelum ini mengusahakan sawit namun kini diubah kepada tanaman sayuran.

"Pengusaha itu menyatakan hasil menanam 13 jenis sayuran bagi setiap ekar tanah menghasilkan hasil sembilan kali ganda lebih tinggi berbanding sawit.

"Bukan saya menyatakan semua perlu beralih namun ia mampu menampung masalah kekurangan barangan terutama makanan selain mewujudkan banyak peluang.

"Ja juga akan dipulangkan balik kepada rakyat



MOHD Uzir (kiri) melihat ternakan kupang yang diusahakan sekumpulan masyarakat Orang Asli di Masai.

yang berdepan dengan kos sara hidup yang bergantung kerana ia bergantung kepada permintaan dan tawaran bekalan barangan.

"Terutama ketika hasil tidak banyak atau kurang berpunca dari iklim, dengan teknologi dan kaedah tertentu, perusahaan itu tidak akan hanyut dan perniagaan yang berdaya maju ini tidak terpengaruh dengan iklim sebenarnya, faktor itu boleh dimitigasi," katanya.

Mohd Uzir berkata, pihaknya juga bangga dengan usaha sekumpulan Orang Asli di Masai yang mengusahakan ternakan kupang secara komersial.

"Saya berkesempatan menemukan lebih 90 keluarga atau 300 penduduk mengusahakan ternakan kupang.

"Negeri Johor direkodkan sebagai pengeluar

kupang terbesar di negara ini, dengan pengeluaran lebih dua ribu metrik tan setiap tahun dan nilai eksport sejumlah RM 4.7 juta.

"Saya melihat potensi dan usaha gigih dilaksanakan mereka yang dimulakan sejak 2003 serta menghasilkan pulangan berganda.

"Usaha gigih dan berani berubah adalah teras yang kita nampak berdasarkan kisah kejayaan dikecapi petani," katanya.

Mohd Uzir berkata, di Muar misalnya ada petani menggabungkan aktiviti huluhan dan hiliran.

Beliau berkata, mereka mengusahakan ternakan dan sayuran di kawasan seluar 18 ekar dan menjualnya sendiri termasuk di restoran dimiliki.

"Dalam keadaan ini, isu harga turun barang mereka dapat ditangani dengan baik kerana mereka

tidak bergantung kepada pihak lain untuk memasarkan barangan.

"Jadi amat jelas sektor pertanian berpotensi berdasarkan dapatan kita peroleh, rata-rata mereka lakukan adalah menggabungkan pertanian dengan huluhan, hiliran dan sampingan.

"Ia menyebabkan value crushed dan survival dalam sektor pertanian adalah tinggi dan inilah diamalkan di negara maju.

"Istilah petani yang dikaitkan dengan kesusahan adalah tidak lagi semestinya ada, apa yang penting adalah kerajinan dan data menunjukkan dengan teknik, teknologi pasti produktiviti atau penghasilan dapat ditingkatkan," katanya.

Beliau berkata, ramai dalam kalangan petani perlu bergerak ke pertanian di peringkat baharu.

"Kami juga dalam proses penyediaan dan bancia dalam menghasilkan profil pengusaha untuk melihat pembabitkan golongan bella dalam pertanian.

"Mereka yang sudah sudah berusia berharap pembabitkan golongan bella supaya terdapat kesinambungan dan kami mendapati bimbingan veteran kepada bella adalah menarik.

"Ada yang berusia 70 tahun memberi bimbingan kepada bella ia suatu perkara baik dalam lapangan ini," katanya.

Beliau berkata, rata-rata golongan petani juga menghargai peranan agensi dan kementerian berkaitan.

"Beberapa perkara perlu ditambah baik dan data akan dibentangkan supaya kelangan dan kekurangan berlaku, dapat dilihat agensi.

"Kami hanya memiliki kepakaran dalam segi statistik manakala di peringkat agensi mereka memiliki kepakaran dalam bidang masing-masing bagi mengurus sektor pertanian dan kerjasama kolaborasi erat ini amat diperlukan," katanya.

Bancia Pertanian 2024 memainkan peranan penting dalam perancangan dan pembangunan negara. Bancia ini menyediakan maklumat yang diperlukan untuk menyediakan penunjuk pertanian bagi tujuan sosioekonomi.

Bancia Pertanian 2024 di negeri Johor ini akan membabitkan 193,095 TK dan 3,134 pertumbuhan perniagaan yang terbahit dalam aktiviti pertanian.



OPERASI Bancia Pertanian 2024 di Johor bersama pengusaha kupang Orang Asli di Kampung Kuala Masai, Pasir Gudang, Johor. - Gambar NSTP/NUR AISYAH MAZALAN



UTUSAN MALAYSIA		KOSMO!		THE STAR		NANYANG SIANG PAU		MUKA SURAT	TARIKH
BERITA HARIAN	/	SINAR HARIAN		THE SUN		ORIENTAL DAILY			
HARIAN METRO		NEW STRAITS TIMES		THE MALAY MAIL		PELBAGAI			
KATEGORI LIPUTAN: POSITIF		/		NEGATIF		NEUTRAL		12	12-8-24

# Banci pertanian penting untuk bergerak ke peringkat baharu

**Bancian kumpulan data keluasan, hasil, kaedah digunakan pengusaha di seluruh negara**

Oleh Mary Victoria Dass  
bhnews@bh.com.my

**Pasir Gudang:** Banci Pertanian 2024 oleh Jabatan Perangkaan Malaysia (DOSM) di Johor mendapati ramat pengiat bidang pertanian di negeri ini berpotensi menjadi ikon dalam lapangan diceburi.

Ketua Perangkawan Malaysia, Datuk Seri Dr Mohd Uzir Mahidin, berkata proses bancian berjalan lancar dengan 35.3 peratus bancian selesai dilakukan di seluruh negara.

Beliau berkata, pihaknya memasuki hari ke-34 bagi melancarkan bancian yang dimulakan sejak 7 Julai lalu merangkumi tanaman, ternakan, perikanan, pembalakan dan perhutanan. Menurutnyanya, secara keseluruhan bancian dijalankan setakat ini membabitkan 423,195 pengusaha dalam sektor pertanian di seluruh negara.

Katanya, misalnya di Johor, tempat kediaman (TK) dan perubahan perniagaan terbabit dalam sektor pertanian yang telah dilawati semasa bancian ini adalah sebanyak 36.6 peratus.

"Segelintir dalam kalangan yang kita temui ketika melancarkan bancian adalah pekerja dalam sektor pertanian dan bukan dalam mengusahakan perusahaan berkenaan.

"Paling penting, kita mahu mengumpul dan mendapatkan maklumat serta data diperlukan negara daripada pengusaha sendiri termasuk berkaitan hasil, keluasan dan kaedah tanaman.

"Kerajaan memeritukan maklumat berapa peratus penggunaan teknologi dalam sektor pertanian negara," katanya pada sidang media ketika menjalankan bancian di Kampung Pasir Gudang Baru di sini.

Beliau berkata, pihaknya juga ingin mengumpul maklumat latar belakang pengusaha bagi mengenal pasti sejauh mana sektor pertanian bergerak maju.

Katanya, ia juga bagi mengenal pasti pembalakan pengusaha berpendidikan dan ilmu diadaptasikan dalam teknologi penghasilan pertanian. Perkara itu dititikberatkan kerana ia mak-



Nelayan, Pudin Sim memeriksa tong biru yang menjadi tempat penternakan kupang segar yang diusahakan oleh masyarakat Orang Asli Seletar Kampung Kuala Masai. (Foto Nur Aleyah Masalan/BH)

lumat realiti dalam lapangan.

Justeru, saya memimpin pasukan bancian turun padang bagi memastikan dapatan atau penemuan menjadi input pehnting.

"Kita juga berjumpa komuniti dan menemukan pengusaha boleh dijadikan ikon. Di Johor, ramai berpotensi menjadi ikon dalam sektor pertanian, malah menurut laporan Kelnaran Dalam Negara Kasar (KDNK), sektor pertanian di negeri Johor menyumbang 11.6 peratus kepada KDNK negeri, dengan nilai tambah sebanyak RM17.21 bilion," katanya.

Beliau berkata, misalnya terdapat sebuah perusahaan di Johor sebelum ini mengusahakan kelapa sawit, namun kini diubah kepada tanaman sayuran. Tanaman 13 jenis sayuran bagi setiap ekar tanah itu menghasilkan hasil sembilan kali ganda lebih tinggi berbanding sawit.

"Bukan saya menyatakan semua perlu beralih, namun ia mampu menampung masalah kekurangan barangan terutama makanan. Selain mewujudkan banyak peluang dan akan dipulangkan balik kepada rakyat.

"Perusahaan itu tidak akan hanyut dan perniagaan yang berdaya maju ini tidak terpengaruh dengan iklim sebenarnya, faktor itu boleh dimitigasi," katanya.

Mohd Uzir berkata, pihaknya juga bangga dengan usaha sekumpulan Orang Asli di Masai yang mengusahakan ternakan kupang secara komersial.

"Saya berkesempatan menemukan lebih 90 keluarga atau 300 penduduk mengusahakan ternakan kupang.



Mohd Uzir ketika Operasi Banci 2024 di Negeri Johor bersama pengusaha kupang Orang Asli di Kampung Kuala Masai, Pasir Gudang, Johor.

"Negeri Johor direkodkan sebagai pengeluar kupang terbesar di negara ini, dengan pengeluaran lebih 2,000 tan setiap tahun dan nilai eksport sejumlah RM 4.7 juta.

"Saya melihat potensi dan usaha gigih mereka yang dimulakan sejak 2003 serta menghasilkan pulangan berganda.

"Usaha gigih dan berani berubah adalah teras yang kita nampak berdasarkan kisah kejayaan yang dikecapi petani," katanya.

**Gabung huluhan, hiliran**  
Mohd Uzir berkata, di luar misalnya, terdapat petani yang menggabungkan aktiviti huluhan dan hiliran. Mereka mengusahakan ternakan dan sa-

teknik, teknologi pasti produktiviti atau penghasilan dapat ditingkatkan," katanya turut berpendapat petani perlu bergerak ke pertanian di peringkat baharu.

"Kami juga dalam proses penyemakan dan bancian dalam menghasilkan profil pengusaha untuk melihat pembabitkan bella dalam pertanian.

"Mereka yang sudah berusta berharap pembabitkan golongan bella supaya terdapat kesinambungan dan kami mendapati bimbingan veteran kepada bella adalah menarik.

"Ada yang berusta 70 tahun memberi bimbingan kepada bella la suatu perkara baik dalam lapangan ini," katanya.

Beliau berkata, rata-rata petani juga menghargai peranan agensi dan kementerian berkaitan.

"Beberapa perkara perlu ditambah baik dan data akan dibentangkan supaya kekangan dan kekurangan berlaku, dapat dilihat agensi.

"Kami hanya memiliki kepakaran dalam segi statistik manakala di peringkat agensi mereka memiliki kepakaran dalam bidang masing-masing bagi mengurus sektor pertanian dan kerjasama kolaborasi erat ini amat diperlukan," katanya.

Banci Pertanian 2024 merupakan penting dalam perancangan dan pembangunan negara. Banci ini menyediakan maklumat yang diperlukan untuk menyediakan penunjuk pertanian bagi tujuan socioekonomi.

Danci Pertanian 2024 di negeri Johor ini akan membabitkan 193,095 TK dan 3,134 perubahan perniagaan yang terbabit dalam aktiviti pertanian.